



Ikamva-Ukunonophela  
abantwana bethu

IsiKolo seCawa sabaNcinane

**Isihloko sesifundo: U Davide noGoliyati**

# Isikhokelo soMzali

Isikolo seCawa saseKhaya



# Mzali Othandekayo

Wamkelekile kwisifundo sesiKolo sabaNcinane esithi “UDavide noGoliyati”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: <a href="https://bit.ly/3NACSSHS">https://bit.ly/3NACSSHS</a>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"> <li>• iBhayibhile</li> <li>• Isifundo esikwimo yePDF esele ilungisiwe</li> <li>• Incwadi yomsebenzi womntwana kunye neependulo, iikhrayoni, njl.</li> <li>• Isiqwana sevideo sisixhobo esongeziweyo / sisixhobo esongezelweyo sokuzikhethela</li> <li>• ICatechism nakwiCatechism kwimiBuzo neeMpendulo (ngokukhethekileyo kwisiqinisekiso)</li> </ul> <p><b>Qaphela:</b></p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasini ngaye (Pre-SS, SS, SS1, RI1 okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



# Ukwenza iSifundo seSikolo seCawa ekhaya

## Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. <b>Umzekelo:</b> Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

## Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo sabaNcinane.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Nxibelelana kunye nomphathi webandla wesikolo seCawa okanye uTitshala.



## Isifundo

Isihloko seSifundo

UDavide noGoliyati

Isicatshulwa  
seBhayibhile

1 Samuweli 17

Injongo yesifundo

Sifunda ukuba abo banokholo kuThixo (bayakholwa kwaye bamthembile uThixo), bayakuba namava oncedo lwaKhe. UThixo unathi kwaye akufuneki sikoyike.

## Isishwankathelo sesifundo:

- AmaFilisti aqokelelana ukuze alwe namaSirayeli. Ayeme kwenye induli namaSirayeli kwenye, kukho umfula phakathi kwabo.
- Ingxilimbela, egama linguGoliyati, yaphuma kwinkampu yamaFilistiya yacela umngeni kumaSirayeli. Wayenobude obuziimitha ezi-3 kwaye wayenxibe isikrweqe esinzima sobhedu esimalunga ne-57 kg kunye nesigcina-ntloko sobhedu. Umkhonto wakhe ubunobunzima obuyi-7 kg. Umkhosi wamaSirayeli wawusoyika ngenxa yakhe.
- UDavide, unyana omncinci kaYese, waye esekhaya, esalusa iigusha zikayise. Wayedla ngokukhusela iigusha ekuhlaselweni ziingonyama neebhere. Abakhuluwa bakhe abathathu babekumkhosi wakwaSirayeli.
- Ngenye imini uYese wathumela uDavide ukuba aye kutya nabantakwabo nomphathi-mkhosi. UDavid kwafuneka afumanise ukuba abantakwabo baphilile na.
- Ngeli xesha uDavide wayethetha nabantakwabo, uGoliyati weza ngaphambili ecela umngeni kumaSirayeli. Bathi bakumbona uGoliyati babaleka.
- NguDavide kuphela owayenesibindi nokholo lokumelana noGoliyati. Wasiwa kukumkani kwaye xa ukumkani emnika isikrweqe sakhe kunye nekrele lakhe, kodwa uDavid wala.
- Ngesilingi namatye amahlanu asemlanjeni kuphela, uDavide wajongana noGoliyati owayexhobe kakhulu. Wathi uDavide, “Ndiza egameni likaYehova”. UGoliyati wahlekisa ngenkwenkwana eyayingumelusi.
- Phambi kokuba uGoliyati enze nantoni na, uDavid waphosa ilitye ngesilingi sakhe kwaye wayibetha ingxilimbela ebunzi phakathi kwamehlo. UGoliyati wawa emhlabeni. Abantu bakhe bavuya kuba uDavide emoyisile uGoliyati.



## Sithetha ukuthini esi sifundo kuthi namhlanje?

- UDavide wamoyisa uGoliyati, kuba wayekholwa kwaye ethembele kuThixo. Wayengoyiki kuba wayesazi ukuba uThixo uza kumnceda.
- Xa sijamelene namadabi ethu, kufuneka singoyiki njengoDavide, kuba uThixo unathi. Ngalo lonke ixesha kholwa kwaye uthembele kuThixo, uya kukunceda.
- UThixo uyakusoloko esinceda ukuze soyise amadabi / iingxaki zethu, ukuba siyakholwa kuYe.

## Eminye imibuzo esinokuyibuza:

1. Kwakutheni ukuze uDavide aluphumelele idabi kuGoliyati engenzao izixhobo?  
**Ipendulo:** Ukholo nokuthembela kwakhe kuThixo kwamvumela ukuba aphumelele. Ukholo sisixhobo sethu esifihlakeleyo.
2. Kwakutheni ukuze uDavide engamoyiki uGoliyati, ingxilimbela?  
**Ipendulo:** UDavide wayenokholo kuThixo kwaye wayesazi ukuba uThixo uya kumnceda
3. UDavide wahamba nantoni ukuya kudibana noGoliyati?  
**Ipendulo:** Wathabatha isilingi kunye namatye ama-5
4. Singaluphumelela njani idabi nengxilimbela /ingxaki ebomini bethu?  
**Ipendulo:** Kufuneka sibe nokholo kwaye sikholwe simthembe uThixo



## Imithandazo Yethu

### **Umthandazo kaTata noMama wokuthandaza ngaphambi kwesifundo:**

*Thixo othandekayo, enkosi ngolunye usuku loThando noBubele baKho*

*Nceda sikelela umama notata uze usikelele iiNkokheli zethu nabo bonke abahlobo neentsapho*

*Siyathandaza ukuba sisoloko sikuxabisile nokuba sibe nokuthobela abazali bethu.*

*Sisikelele ukuze sibe nobubele nothando nokuba sibaphathe wonke umntu esidibana naye ngentlonipho nangobubele*

*Nceda usikelele isifundo sesiKolo seCawa kwaye sisoloko sikhumbula ukubulela ngokusichonga ukuba sibe ngabantwana baKhe*

*Sifuna ukuhlala sithembekile kwaye sithobekile kude ubuye usithabathele ekhaya kunye Nawe*

*Sikucela konke oku ngelihle igama laKho. Amen*

### **Umthandazo emva kwesifundo:**

*Thixo othandekayo osezulwini.*

*Enkosi ngokusigcina sikhuselekile nokusivumela ukuba sive ibali elihle leBhayibhile.*

*Enkosi ngokusikhusela ngokusigcina sikhuselekile nakweyiphina ingozi.*

*Siyakucela sincede sisoloko sithobele umama notata nokuba sibe nobubele kumntu wonke esidinana naye. Siyakucela sincedise kumsebenzi wethu wasekhaya.*

*Sikelela iNtloko yethu yabaPostile, abaPostile nazo zonke iinkokheli, Siyakucela zigcine zikhuselekile xa zihamba ukuze zibenako ukusifundisa ngakumbi ngomsebezi wakho omkhulu, Thixo.*

*Siyakucela nceda bonke abantwana baKho, ngokukhethekileyo abo bagulayo nabo bangenakudla okanye indawo yokuzifihla.*

*Nceda ubuye kwamsinya usithabathele sonke ekhaya.*

*Sikucela konke oku, kungekuba sikusebenzele, kodwa egameni likaYesu. Amen*